



27. Januar 2015

UPA15/125

Inatsisartut Suleriaasianni § 36 innersuussutigalugu apeqquteqaat allaavigalugu Inatsisartuni oqallisissiamik siunnersuut imaattoq saqqummiuppara:

Tamat oqartussaaqataanerannut atugassarititaasut pillugit apeqquteqaat aalavigalugu oqallisissiamik siunnersuut. Ullumikkut aqqissugaaneq tamat oqartussaaqataanerannik siuarsaasoq atuuppa, imaluunniit tamat oqartussaaqataanerannik nukittorsaataasunik pitsanngorsaasinnaavugut, innuttaasut peqataanerannut, kattuffiit peqataanerannut ilaasortallu inissisimanerannut naleq-qiullugu.

(Inatsisartunut ilaasortaq Naaja H. Nathanielsen, Inuit Ataqatigiit)

Oqallinneq manna aqutigalugu kissaatigivara, Inatsisartut Kalaallit Nunaanni tamat oqartussaaqataanerisa ullumikkut killiffia eqqarsaatersuutigissagaat, aamma eqqarsaatersuutigissagaat sumut sammiveqarluni ineriartussanersoq.

Ukiuni kingulliuernerusuni inuiaqatigiinni arlaleriarluta oqallittarpugut, kattuffiit aalajangiisarnernut akuliunnissaminnut periarfissaannik aamma innuttaasut killiligaanatik oqaaseqarsinnaatitaanerannik sammisaqarfiusunik – tamat oqartussaaqataaffianni tunngaviulluinnartumik pisinnaatitaaffik.

Tusagassiuutini aamma inuttut attaveqaatini suut oqaatigineqarsinnaanerat kikkullu taamatut oqaaseqarsinnaanersut oqallisigineqartarpoq. NGO-t oqaaseqarsinnaatitaappat, tusagassiuutit politikikkut isummersuutininik sunnigaappat, akerliussutsimik takutitsinerit ajornartorsiutaappat, pissaanermik tigummisut isornartorsiorneqarsinnaappat imaluunniit tamanna ataqqinninnginnerua? Tamakkuupput oqallisigineqarnikuusut ilaat. Isumaqarpunga nunami maani pisariaqartinneqartoq, aammattaaq nunatta politikeriisa oqallinnermi tassani nalunaaruteqarnissaat: tamanna pillugu partiit ataasiakkaat qanoq isumaqarpat?

Tamatuma saniatigut aammattaaq tamat oqartussaaqataanerannik siuarsaataasinnaasunik tigussaasunik suliniutissatut siunnersuutininik tusarusuppunga. Assersuutigalugu tassaasinnaapput tusagassiuutininut tapiissutit, qaammarsaanermut aningaasaateqarfik, NGO-nut allatseqarfik aningaasanut inatsisikkut aningaasalersorneqartoq, ICC-mik annertunerusumik suleqateqarneq aamma innuttaasut sunniiniaqataasinnaaneq, inatsit tunngaviusoq, Namminersorneq pillugu inatsit minnerunngitsumillu oqaluttuarisaanerput pillugit ilisimasaasa annertunerulersinneqarnissaannik pisariaqartitsineq.

Isumaqarpunga tamat oqartussaaqataanerat siammaakkumallugu annertuunik iliuuseqartoqarsinnaasoq – isumaqarpungalu tamanna oqallisigiinnarnagu iliuuseqarnermik malitseqartittariaqaripput.

Oqallilluarisi.